

Broj ugovora: 6800117-KK-1/17

UNICREDIT BANK d.d., Kardinala Stepinca bb, Mostar, IB: 4227162980008, zastupana po direktoru Segmenta velikih preduzeća Almiru Grediću i direktoru Poslovnog centra Selveru Subašiću (u daljnjem tekstu: Banka)

i

KLIJENT: EKONOMSKI FAKULTET U SARAJEVU Trg oslobođenja – Alija Izetbegović br. 1., 71000 Sarajevo, IB 4200735430002, zastupan po Dekanu Prof. dr. Kemal Kozarić (u daljnjem tekstu: Korisnik kredita)

dana 17.04.2017. godine u Sarajevu sklapaju

UGOVOR O OKVIRNOM KRATKOROČNOM KREDITU PO TRANSAKCIJSKOM RAČUNU

1. PREDMET UGOVORA

1.1. Ovim se Ugovorom Banka obavezuje staviti na raspolaganje klijentu kao Korisniku kredita, u vidu dopuštenog prekoračenja po transakcijskom računu broj 3383202250521259, Ugovorom utvrđeni iznos novčanih sredstava, a Korisnik kredita se obavezuje Banci platiti ugovorene kamate i naknade i vratiti dobiveni iznos novca u vrijeme i na način kako je utvrđeno ovim Ugovorom.

1.2. Kredit se odobrava do iznosa od KM 1.000.000,00 (slovima: jedanmilijonkonvertibilnih maraka).

2. NAMJENA KREDITA

2.1. Kredit se odobrava za premošćivanje neusklađenosti priliva i odliva na transakcijskom računu korisnika kredita; financiranje ostalih potreba za obrtnim sredstvima.

3. ROK TRAJANJA I RASPOLOŽIVOST KREDITA

3.1. Kredit se odobrava na period od 12 mjeseci od dana stavljanja Kredita na raspolaganje Korisniku kredita.

3.2. Korisnik kredita može koristiti kredit do iznosa utvrđenog u članu 1. ovog ugovora, s tim što, računajući od dana iskorištenja kredita, najmanje jedan dan unutar roka od šest mjeseci tokom cijelog vremena trajanja kredita, transakcijski račun Korisnika kredita mora biti pozitivan ili jednak 0. U slučaju da navedeni uslov nije ispunjen Banka ima pravo automatski obustaviti korištenje kreditnih sredstava, odnosno, kreditno odobrenje.

3.3. Korisnik kredita može koristiti sredstva kredita po ispunjenju svih uvjeta iz tačke 6. ovog Ugovora („Instrumenti osiguranja“), plaćanja ugovorenih naknada i troškova.

4. KAMATA

4.1. Redovna: 2,6% godišnje, fiksna, što predstavlja nominalnu kamatnu stopu. Efektivna kamatna stopa 'EKS', važeća na datum sklapanja Ugovora iznosi 2,6%, i jednaka je nominalnoj kamatnoj stopi.



Efektivna kamatna stopa (EKS) predstavlja kamatnu stopu u koju su pored nominalne kamatne stope uključeni i ukupni troškovi kredita i naknada za obradu kredita i ostali troškovi potrebni za odobrenje i korištenje kredita.

4.2. Redovna kamata se obračunava na temelju konačnog dnevnog iznosa prekoračenja i naplaćuje se mjesečno terećenjem transakcijskog računa za obračunati iznos te dospijeva na naplatu zadnjeg dana u mjesecu. O obračunatom iznosu kamate za Kamatno razdoblje Banka informira Korisnika kredita putem izvoda.

4.3. Po dospijeću: na sve dospjele a nepodmirene tražbine iz osnova ovog Ugovora Banka će obračunavati i naplatiti kamatu po dospijeću za cijelo razdoblje do dana plaćanja u visini zakonske zatezne kamate u skladu sa imperativnim zakonskim propisima koji uređuju obračun i visinu zakonske zatezne kamate a koja u momentu sklapanja ovog ugovora iznosi 12 %, godišnje. Kamata po dospijeću obračunava se mjesečno, te dospijeva na naplatu zadnjeg dana u mjesecu.

4.4. Kamata (redovna i po dospijeću) se obračunava dekurzivno, primjenom konformne metode obračuna pri čemu se primjenjuje stvarni (kalendarski) broj dana u mjesecu i 365/366 dana u godini.

5. NAKNADE

5.1. Korisnik kredita je dužan platiti Banci jednokratnu naknadu za obradu zahtjeva za kredit i to 0,80% od iznosa odobrenog kredita (KM 8.000,00).

5.2. Korisnik kredita daje neopozivu ugovornu ovlast Banci da ugovorenu naknadu naplati u trenutku stavljanja na raspolaganje odobrenog prekoračenja, terećenjem transakcijskog računa obustavom iznosa naknade iz sredstava odobrenog prekoračenja.

5.3. Korisnik kredita je dužan platiti Banci i sve ostale naknade u skladu s važećom *Odlukom o tarifi naknada za usluge u poslovanju s klijentima Korporativnog i investicijskog i Poduzetničkog bankarstva*, izuzev naknade za neiskorišteni iznos odobrenih kreditnih sredstava, koja se neće naplatiti.

6. INSTRUMENTI OSIGURANJA

6.1. U svrhu osiguranja naplate tražbina po ovom Ugovoru Korisnik kredita je dužan u roku dva dana od dana potpisivanja ovog Ugovora osigurati slijedeće instrumente osiguranja: 4 (slovima: četiri) bjanko vlastitih mjenica, trasiranih i akceptiranih od strane Korisnika kredita, s klauzulom „bez protesta“ i pripadajućom mjeničnom ovlasti za popunjavanje, te Korisnik kredita obavezuje da će za svaku iskorištenu mjenicu za naplatu dospjele tražbine izdati i Banci dostaviti novu bjanko vlastitu mjenicu, trasiranu i akceptiranu s njegove strane, s klauzulom „bez protesta“ i pripadajućom mjeničnom ovlasti za popunjavanje.

7. UGOVORNE OVLAŠTI BANKE

7.1. Korisniku kredita, daje neopozivu ugovornu ovlast Banci da izvrši naplatu bilo koje svoje dospjele, a nenamirene tražbine iz ovog Ugovora. Banka je ovlaštena na temelju ove ugovorne ovlasti davati naloge za plaćanje sa svih platno prometnih i drugih računa Korisnika kredita po ovom Ugovoru koji su otvoreni u Banci te izvršiti naplatu po tim nalogima.

7.2. Korisniku kredita, daje neopozivu ugovornu ovlast Banci da u svakom trenutku tokom otplate kredita bez ikakve njegove daljnje saglasnosti, pristanka ili privole, može koristiti (preuzeti) podatke o njegovim kreditnim zaduženjima iz Centralnog registra kredita poslovnih subjekata i fizičkih osoba u BiH, na način i u skladu sa Odlukom o Centralnom registru kredita poslovnih subjekata i fizičkih osoba u BiH 100-UV broj: 200/11 od 31.10. 2011. godine te svim pripadajućim izmjenama i Odlukama o Centralnom registru kredita poslovnih subjekata i fizičkih lica u BiH.

8. POSEBNI UVJETI

8.1. Korisnik kredita se obavezuje da će poštivati sve zakone i propise vezano za ekološke standarde, uključujući ali ne ograničavajući se na Zakon o zaštiti okoliša/životne sredine, Zakon o zaštiti voda, Zakon o zaštiti prirode, Zakon o zaštiti zraka, Zakon o šumama, Zakon o prostornom uređenju/uređenju prostora,

Zakon o koncesijama, Zakon o upravljanju otpadom, te sve ostale relevantne ekološke, zdravstvene i sigurnosne zakone na lokalnom, kantonalnom, entitetskom i državnom nivou.

8.2. Sva potraživanja koja Banka ima, ili će imati prema Korisniku kredita, tretirati će se kao potraživanja s povlaštenim statusom naplate u odnosu na bilo koje drugo potraživanje koje prema njemu imaju drugi vjerovnici. Ugovoreni povlašten status ne odnosi se na naplatu onih tražbina koje imaju prioritet naplate utvrđen imperativnim zakonskim propisima.

8.3. Ovim ugovorom Korisnik kredita se obavezuje da će u cijelosti poštivati obveze Banke, da u skladu s pravilima UniCredit Grupe ili imperativnim zakonskim propisima, ograniči uporabu cjelokupnih financijskih sredstava iz ovog plasmana ili njegovih pojedinih tranši i/ili platnog prometa, radi sprječavanja aktivnosti koje mogu dovesti do kršenja ograničenja u poslovanju koja su rezultat primjene financijskih sankcija donesenih od strane Ujedinjenih naroda (UN), Europske Unije (EU), Američke agencije za kontrolu stranih sredstava (OFAC) ili drugih međunarodnih ili inozemnih državnih institucija, uključujući i blokadu sredstava na njegovim računima, te pristaje da svi komercijalni rizici ovih poslova padaju na njegov teret. Također se obavezuje da neće koristiti sredstva iz ovog plasmana za poslovne aktivnosti koje bi mogle prouzrokovati povredu ili bi se mogle tumačiti kao da Banka prouzrokuje povredu sankcija ili embarga uspostavljenih od strane Ujedinjenih naroda (UN), Europske Unije (EU), Američke agencije za kontrolu stranih sredstava (OFAC) ili drugih međunarodnih ili inozemnih državnih institucija. Korisnik kredita je upoznat da se ograničenja u poslovanju i/ili financijske sankcije mogu posebice odnositi, a ne ograničavajući se na: državu gdje Korisnik kredita ima sjedište, djelatnosti Korisnik kredita, robe koje su predmet poslovne aktivnosti i/ili osobe, organizacije, subjekte navedene pojedinačno i eksplicitno na listama sankcioniranih osoba, koje izdaje bilo koja od gore navedenih institucija.

8.4. Korisnik kredita se obavezuje da će odobreni kredit koristiti u skladu s uvjetima proizvoda.

8.5. Ukoliko Korisnik kredita u toku otplate kredita bude imao nepodmirenih dospjelih dugovanja prema drugim kreditorima, Banka može učiniti dospjelim sva potraživanja koja ima prema njemu.

8.6. Korisnik kredita se obavezuje da će Banci kontinuirano dostavljati svoja financijska izvješća.

8.7. Korisnik kredita se obavezuje u pismenom obliku promptno obavjestiti Banku o promjenama u vlasničkoj strukturi koje u kumulativu prelaze vrijednost od 10% vlasništva. Banka ima pravo, uzimajući u obzir novonastalu strukturu, tražiti promjenu bitnih uvjeta po svim važećim plasmanima.

9. TROŠKOVI

9.1. Sve troškove vezane uz sklapanje i provedbu odredaba ovog Ugovora, kao i troškove pribavljanja instrumenata osiguranja snosi Korisnik kredita.

10. OTKAZ I RASKID UGOVORA

10.1. Banka ima pravo otkazati Ugovor o kreditu ako Korisnik kredita koristi kredit protivno ugovorenoj namjeni, u slučaju insolventnosti Korisnika kredita, prestanka pravne osobe, te tražbine po ovom ugovornom odnosu učiniti trenutno dospjelim.

10.2. Ugovor se otkazuje dostavom otkaznog pisma, bez otkaznog roka, a raskida dostavom obavijesti o raskidu ugovora, s tim da sve tražbine Banke utemeljene na otkazanom/raskinutom ugovoru dospijevaju na naplatu danom otposljanja otkaznog pisma/obavijesti na adresu registriranog sjedišta Korisnika kredita, odnosno na adresu o kojoj je navedeni uredno izvijestio Banku.

10.3. Banka ima pravo raskinuti ovaj Ugovor i proglasiti obveze po Ugovoru u cijelosti dospjelim u slučaju:

- zakašnjenja u ispunjenju dospjelih obaveza iz ovog Ugovora,
- neispunjenja obaveza iz ovog Ugovora,
- povrede bilo koje druge odredbe ovog Ugovora od strane Korisnika kredita,
- onemogućavanja nadzora i namjenske kontrole korištenja kredita,
- otvaranja postupka stečaja ili likvidacije,
- nastanka materijalno relevantnih promjena ili potencijalno materijalno relevantnih promjena u financijskom stanju Korisnika kredita ili ako financijska izvješća Korisnika kredita po mišljenju Banke pokazuju da Korisnik kredita neće biti u mogućnosti ispunjavati o dospjeću svoje obveze temeljem ovog Ugovora,

- nastanka okolnosti koje mogu dovesti u pitanje naplativost tražbina Banke iz osiguranih kolaterala zbog pokretanja postupka prisilne naplate od strane trećih osoba,
- otežava poslovanje ili narušava ugled Banke,
- ukoliko se na njega primjenjuju ograničenja u poslovanju koja su rezultat primjene finansijskih sankcija, čije poštivanje je propisano pravilima UniCredit Grupe o finansijskim sankcijama, imperativnim zakonskim propisima i aktima donesenima od strane Ujedinjenih naroda (UN), Europske Unije (EU), Američke agencije za kontrolu stranih sredstava (OFAC) ili drugih međunarodnih ili inozemnih državnih institucija u pogledu poslovnih aktivnosti vezanih uz, a ne ograničavajući se na: određene zemlje, organizacije, osobe, subjekte, djelatnosti ili robu,
- u svim drugim slučajevima kada po procjeni Banke nastupe okolnosti i stanja koja bi mogla dovesti u pitanje naplativost tražbine iz ugovorenih instrumenata osiguranja ili sposobnost Korisnika kredita da ispunio odnosno ispunjava obaveze preuzete ovim Ugovorom.

10.4. Otkazom/raskidom Ugovora o kreditu za Korisnika kredita nastaje obaveza da Banci plati ukupan neotplaćeni iznos kredita, kamate, ugovorene naknade i troškove.

11. RASPOLAGANJE PODACIMA - SAGLASNOST

11.1. Korisnika kredita, daje izričitu saglasnost i pristaje da Banka može obrađivati i koristiti, te omogućiti uvid, pristup i prijenos svih njegovih podataka: Holding društvo - UniCredit SPA Italy, Piazza Gae Aulenti 3-Tower A, 20154 Milano, Zagrebačka Banka d.d, Trg bana Josipa Jelačića 10, 10000 Zagreb, Croatia, UniCredit Bank Austria AG, Lassallestraße 5, 1020 Vienna, Austria, UniCredit Business Integrated Solutions SpcA (UBIS), Via Livio Cambi 1, 20151, Milan, Italy, UniCredit Business Integrated Solutions (UBIS) Austria GmbH, Nordbergstraße 13, 1090 Viena, UniCredit Leasing d.o.o. Ložionička br. 7, 71000 Sarajevo., UniCredit Broker d.o.o. Sarajevo, Obala Kulina Bana 15, 71 000 Sarajevo u svrhu finansijskog izvještavanja i procjene rizika.

Pri tome je Banka dužna osigurati povjerljivost postupanja i punu zaštitu bankovne tajne na strani svih osoba kojima će u skladu sa suglasnošću biti omogućen pristup zaštićenim podacima, kao i njihovo korištenje u sljedeće svrhe: u svrhu kreiranja zajedničke baze klijenata grupe, u svrhu provođenja mjera dubinske analize klijenata, u svrhu dostavljanja informativnih ponuda o uslugama koje pružaju članice navedene grupe, u svrhu upravljanja rizicima, u svrhu sprječavanja pranja novca i financiranja terorizma, Saglasnost se daje na period trajanja ugovornog/poslovnog odnosa s Bankom i neće biti opozvana.

11.2. Korisnika kredita, potvrđuje da je prije potpisa ovog ugovora bioli obaviješteni o namjeri i svrsi korištenja podataka, informacija, činjenica i okolnosti koje su Banci bile dostupne ili će biti dostupne u toku izvršenja ovog ugovornog odnosa, kao i o svom pravu da se tome usprotive.

12. ZAVRŠNE ODREDBE

12.1. Korisnik kredita potvrđuje da je prije sklapanja ovog Ugovora detaljno upoznat o svim uvjetima kredita uključujući i efektivnu kamatnu stopu.

12.2. Kao dokaz o visini duga po ovom kreditu, služiti će poslovne knjige Banke i ostala dokazna sredstva s kojima Banka raspolaže.

12.3. Na prava i obaveze ugovornih strana primjenjuju se Opći uvjeti poslovanja Banke, te ostalih važećih akata Banke, uključujući i sve naknadne izmjene i dopune ovih akata donesene na propisani način. Korisnik kredita potvrđuje da je upoznat/a sa sadržajem Općih uvjeta poslovanja Banke te pristaje na njihovu primjenu i primjenu ostalih akata Banke.

12.4. Svi izdavatelji mjenica bez obzira u kojem su obvezno-pravnom statusu prema Banci potpisom ovog ugovora potvrđuju da su im poznati uvjeti kreditnog posla za čije su ispunjenje cjelokupnih obaveza izdali svoje vlastite bjanko mjenice s mjeničnim ovlaštenjem za popunjavanje. Saglasni su da Banka radi naplate svojih dospjelih tražbina iz ovog Ugovora može bjanko mjenice popuniti u skladu s uvjetima kreditnog posla čime će iste postati valjane i pravno obvezujuće. Izdavateljima mjenica je poznato i pristaju na mogućnost da Banka izdane mjenice prezentira na naplatu u bilo kojoj poslovnoj banci u kojoj ima otvorene poslovne račune a u nedostatku sredstava na tim računima da se iste uvrste u red prioriteta osnova za prisilnu naplatu (blokada računa), te da se naknadno isplate po prispjeću sredstava. Izdavateljima mjenica je poznato i pristaju da, temeljem izdanih mjenica koje su snabdjevene s klauzulom „bez protesta“ ili su iste zbog neisplate snabdjevene protestnom ispravom nadležnog suda, Banka može pokrenuti neposredne ovršne postupke na bilo kojoj njihovoj imovini. Isto tako Izdavatelji mjenica su saglasni i pristaju da Banka u slučaju

prijenosa tražbine po ovom Ugovoru može izdati mjenice prenijeti i /ili indosirati na prijemnika, čime ovaj stječe položaj mjeničnog vjerovnika odnosno remitenta i polaže prema Izdavateljima mjenica ista prava koje je imala Banka.

12.5. Za slučaj spora ugovara se mjesna nadležnost stvarno nadležnog suda prema sjedištu Banke.

12.6. Ovaj Ugovor je sastavljen u 4 (četiri) istovjetna(ih) i istovrijedna(ih) primjerka, od kojih svaka ugovorna strana zadržava po 2 (dva).

BANKA:

Direktor segmenta velikih preduzeća


Almir Gredić


Direktor poslovnog centra


Selver Subasić

KORISNIK KREDITA:

Dekan


Prof. dr. Kemal Kozarić


Broj: ~~01-3-2009/97~~ 42126
Broj: 01-3-1145-45-1-23/17